

«Нұрлы болашақ» балабақшасы

**«Балдырған» ересек тобының жылдық
қорытынды есебі
2021-2022 оқу жылы**

2021-2022 оқу жылының «Балдырған» ересек тобының жылдық қорытынды есебі

«Нұрлы болашақ» балабақшасының «Балдырған» ересек тобында 25 тәрбиеленуші бар. Оның 19- ұл бала, 6- қыз бала. Тәрбиешілері: Жанабаева Раушан Бактығалиевна, Еламанова Нұрлы.

Балабақшаның осы жылға қойған негізгі жылдық міндеттері:

-Ойын әрекеті арқылы балалардың сөйлеу тілдерін дамыту

- Мектеп жасына дейінгі балаларды ұлттық құндылықтар негізінде тәрбиелеу

Топтағы балалар «Мектепке дейінгі тәрбие мен оқытудың үлгілік оқу бағдарламасына» сүйеніп жұмыс жоспары бойынша тәрбиеленіп,білім алды. Мектепке дейінгі тәрбие мен оқыту жалпы мәдениетті қалыптастыруға, адамгершілік, эстетикалық және жеке қасиеттерін дамытуға, оқу әрекетінің алғы шартын қалыптастыруға, мектеп жасына дейінгі балалардың денсаулықтарын нығайтуға және сақтауға бағытталған.

Бағдарламада балалардың жас және жеке ерекшеліктерін ескеріп оларды жан-жақты дамытуға бағытталған «Денсаулық», «Коммуникация», «Таным», «Шығармашылық», «Әлеумет» білім беру салаларын қамтып,вариативтік бөлімдері арқылы білім берілді.Ересек топта ұйымдастырылған оқу қызметі аптасына 12 сағатты құрайды (2 сағат вариативті компонентті құрайды), 20-25 минуттан Үлгілік оқу жоспарына сәйкес өткізілді.

«Денсаулық» білім беру саласы бойынша баланың дене күшінің сапасы мен қозғалыс белсенділігін арттыру ,салауатты өмір салтын сақтайтын тұлға қалыптастыру мақсатында топта ертенгілік жаттығудан бастап түрлі сауықтыру шаралары, қимылдық және спорттық ойындар ұйымдастырылып, мәдени-гигиеналық шаралар жүргізілді.

«Коммуникация» салысында балалардың тілдік күзиреттіліктерін дамыту мақсатында сөйлеуді дамыту,көркем әдебиет оқу қызметтері жоспарланды.Балалардың көркем әдебиет пен халық ауыз әдебиетіне қызығушылығын арттыру мақсатында түрлі театрлық қойылымдар,өлең-шумақтар үйретілді.

«Таным» білім беру саласы бойынша математикалық білім мен ұғымдары негізінде балалардың ақыл-ой қабілеттерін, балалардың құрастыру іскерліктері мен дағдыларын қалыптастыру мақсатында балаларға қарапайым математикалық ұғымдарды қалыптастыру және құрастыру оқу қызметтері жоспарланды.Математика оқу қызметінде балаларға тура және кері санау,сандық құрам,тәулік бөліктерін ажырату,кеңістікті бағдарлау және геометриялық пішіндер мен денелермен таныстырылды.Сонымен қатар санамақтар,сандық жұмбақтар жаттатылды.

«Шығармашылық» білім беру саласында балалардың эстетикалық талғамын,қиялын,шығармашылық қабілетін арттыру мақсатында сурет салу,жапсыру,мүсіндеу және де музыка оқу қызметтері өткізілді.Балалар мүсіндеуде ермексаздан түрлі заттар мүсіндей алады,мәнерлі бейне жапсырады,қайшыны дұрыс ұстап,желімдеу техникасын меңгерді.Балалардың музыкалық шығармаларды қабылдауын жетілдіру мақсатында түрлі ырғақты би қимылдары үйретіліп,әндер жаттатылды.

«Әлеумет» білім беру саласында қоршаған әлемнің қыр-сырын түсінуін арттыру және әлеуметтік құндылықтар мен мәдениет негіздерін қалыптастыру мақсатында қоршаған ортамен таныстыру оқу қызметтері өткізіледі.Үлкендердің еңбегін,олардың қызметтерін бағалау мақсатында топта түрлі сюжеттік-ролдік ойындар ұйымдастырылды.

Білім берудің вариативтік бөлімі бойынша топта «Шахмат патшалығында», «Шебер колдар» жоспарланды.

Білім күніне орай балабақшада «1-қыркүйек Білім күні!» атты тәрбие сағаты өтті. Балалар тақпақ,өлең шумақтарын арнады.

Жыл бойы ата-аналармен бірнеше тақырыптарға байланысты онлайн жиналыстар өткізілді.Алғаш өткізілген онлайн жиналыста бірауыздан ата-аналар төрайымы сайланып,екі көмекші тағайындалды.Төрайымы-Қияшбаева Г,екі көмекшілері-Байтохина Л және Қылышбаева Б сайланды.

Қазан айында «Арайлы алтын күз!» атты ертеңгілік өткізіліп, ата-аналар тарапынан «Күз сиқыры» тақырыбында табиғи материалдардан көрме ұйымдастырылды. Ертеңгілікте балалар би билеп, тақпақтарын айтып, көрініс қойып, ән шырқалды. Балалармен ойын ұйымдастырылып, күз ханшайымы балаларға жемістер таратты.

Қараша айында өрт қауіпсіздігін ұйымдастыру мақсатында топта «Өрттен сақ болайық!» тақырыбында және жол ережесін сақтау мақсатында «Бағдаршам біздің досымыз!» атты тәрбие сағаттары өтті. Өткізген Жанабаева Р.Б.

Желтоқсан айында тұңғыш президент күніне орай «Біздің тұңғыш президентіміз» атты ертеңгілік және тәуелсіздік күніне орай «Тәуелсіздікке 30-жыл» атты ата-аналар арасында көрме ұйымдастырылды. «Тәуелсіздіктің ел тұғыры атты мерекелік шара өтті. Мерекеледе біздің топ «Қазақстаным-Отаным» әнін орындап, би биленіп, тақпақтар айтылды. Балабақшада «Құстар біздің досымыз» апталығы ұйымдастырылып, құстарға ата-аналармен балалар жемсауыттар жасады. Жаңа жыл қарсаңында «Қыс қызығы» тақырыбында отбасылық-шағармашылық көрме-сайысы ұйымдастырылды және «Жаңа жылда, Жаңа жыл!» атты мерекелік кешіміз өтті. Мерекеледе балалар шырша жанында әндер шырқап, «Ақшақарлар», «Көңілді санта-клаустар» билерін биледі. Ертеңгілікте балалар белсенді қатысып, Аяз атаның сыйлықтарына ие болды.

Қаңтар айында шыршамен қоштасу мақсатында жалпы балабақша-ішілік «Қош бол, әсем шыршамыз!» атты мерекелік іс-шара өтті. Ақпан айында тәрбиеші Жанабаева Р.Б. «Математика әлеміне саяхат» атты ашық көрсетілім өткізді. Осы айда Елеманова Н.Т. «Ойнайықта, ойлайық» атты ашық қаралым өткізді. Ата-аналар арасында отбасы мен балабақша қарым қатынасын нығайту мақсатында «Мейірімділік, достық, қайырымдылық» атты тематикалық көрме ұйымдастырылды. Жанұядағы әке мен баланың қарым – қатынасын нығайту мақсатында әкемен өткізген бір күнін «Менің әкем ең күшті!» атты бейнероликпен жеткізді.

Наурыз айында алғыс айту күніне орай «Шын жүректен мың алғыс!» атты тақырыбында балабақша ішінде әр топта тілек тілеу бұрыштары жасалып, ата-аналар өз ризашылықтарын, алғыстарын білдірді. Осы айда Халықаралық әйелдер күніне орай «Анашым-Күнім!» атты ертеңгілігі өтті. Ертеңгілікте балалар аналарына арнап тақпақ, әндерін айтып, билеп, кеш әсерлі өтті. Ұлыстың ұлы күні -Наурыз мерекесіне орай балабақшада әр топта Наурыз мерекесі тойланды. Ал, «Балдырған» ересек тобында «Наурыз көктем» тақырыбында мерекелік шара өткізіліп, балаларға қазақтың әдет-ғұрпы мен салт – дәстүрі соның ішінде «Тұсау кесер» рәсімі насихатталып, қазақтың ұлттық тағамдарымен таныстырылды. Наурыз мерекесінің өзіне тән үлкен асы – Наурыз көже туралы түсінік беріліп, ата – аналардың ұйымдастыруымен балалар Наурызкөжеден дәм татты.

Сәуір айында балабақша психологы Уразгулова – Садвакасова Жанар балабақша ішінде апталық ұйымдастырып, ата-аналар арасында «Менің отбасым» көрмесін өткізді. Ата-аналарымыз өз отбасыларының эмблемасын жасап, балабақша психологы белсенді ата-аналарға құрмет көрсетіп Алғыс хаттармен марапаттады. Балабақшада 22- сәуір Ғарышкерлер күніне орай апталық ұйымдастырылып тәрбие сағаттары өтті.

Мамыр айында бірлік күніне орай «Достығымыз жарасқан» атты тәрбие сағаты өткізіліп, балалар «Бірліктің туы » әнін орындап, өлең шумақтарын арнады. Ұлы жеңіс күніне орай «Қазақ батырлары мәңгі есімізде!» атты тәрбие сағаты өткізілді. Балаларымыз ән орындап, тақпақтарын мәнерлеп айтты.

Жылдың соңында «Қош бол, балабақшам» атты қоштасу кеші ұйымдастырылып, балалар өз өнерлерін көрсетіп балабақша қызметкерлеріне ризашылықтарын өлең - шумақтарымен жеткізді.

